

امور تحریریه ایچون فؤاد بک
وامور اداره ایچون آرتین افندییه
مراجعت اولنور.



مسلمکمزہ موافق آثار قبول اولنور.
درج اولمایان اوراق اعاده اولماز.

معارف

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.




استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

رسوبی همان دفع یا خود تعقیم ایتک .
 بداوی ایچون بولان چاره ایسه سیگل
 دانه لری اللرده ، ایقلرده ایسه کی ، یوزده
 ایسه کوکندن کسوب استیصال ایتمکدن
 عبارتدر .
 دوفتور ف .



﴿کوی عالمی [۱]﴾


بدايع خلقته عاشق ايکي رفيق صادق
 بهارک اک رونقلي ، اک طراوتلی بر زماننده
 ... شهرينک خوش منظر بر صيفيه سنده ، تام
 برکوی عالمده بولنیورلر . اکانجه لری ، غدالری ،
 اویقولری هپ بو عالمده متناسبدر : یوزبیکلر جه
 عنادل زمزمه سازه دار الطرب اولمش چام
 آغا جلزندن متشکل اورمانلر ، بولندقلری
 صيفيه نك اوج طرفی احاطه ایتمش ، دانشین
 وادیلر ، وادی نواز ایرماقلر جابجا انظار
 استلذذه تصادف ایلر .

کوشکک طرف رابعی تشکیل ایدن
 جهت مدنظرک یتیشه بیلدیکی قدر متمد ،
 سراسر کثیف بولوطلرله مستور دکر دن
 عبارت اولدیغی حالده بولندقلری فضا بر نور
 فیضا فیضه مستغرقدر . او موج موج دومانلر
 آراسندن خیاط زرین آفتابک تجلیات دمدامنی ،
 او منور دومان بیغینلرینک دکر سطحنده
 تحشددن صوکره صیتی بر پورازله ساحلله
 طاعلره دوغرو تهاجی بوراده تماشا
 نه لطیفدر !.. تارالرده قاری قوجه ایکی
 چفتیچینک بی قید وتکلف چالیشمسی ، طاع
 اتکنده کچیلرک ، اووالرده قیونلرک مینی مینی
 یاورولریله برابر چنغراق آهنگنه دالهرق
 اوتلامه سی ، برکویلی چوجغنک خسته اینکه
 یدیرمک ایچون طویلادیغی اوت بیغینی
 یوکلنمکه چبالامه سی تماشا کرانه برر سرمایه
 [۱] رضا امضاسیله اهدا بیوراشددر .

انبساط اولور !.. بر چشمه سار ، بر مرده چنار ،
 بر راغ دلشین ، قوی برزمین نظر ممنونیت
 واستحسانلرینی جلب ایدر !.. بولنده
 کیزله نن کوچک بر لطافتی هانکیسی اول
 کوررسه ، همان دویغولرینی احساس ایتک
 ایسترلر !.. اکثریا اللری ، کوزلری ، وضعلری ،
 حتی سکوتلری بیلله مداوله حسیاته ترجان
 بلیغ اولور ...

او افلاکه سرچشمش چاملرک کوزلرکی ،
 بو چاملره فرش پا اولان او رنگین چنلرک ،
 یوصونلرک تازه لکی انسانی باقدیقه آیلر
 بر منظره بدایعنا .

سماسی همان هرکون بولوط ازدحامندن
 قورتوله میان دکر جهتندن اقشام اوستی
 کونشک ، اومشعل علونک غروبی نه حزین ،
 نه نظر ربا بر تماشا !



﴿بدايع فيه وصناعيه﴾

سؤال — مانی کوزلی بیاض کدیلرک
 نه خاصه عجبیه مالک اولدقلرینی بیلور میسکر ؟
 بر حیوانک اعضای مختلفه سی بیننده
 جالب دقت بعض نسبتلر موجوددر .
 حیوانات محترمنک اوست چکله رینک اسنان
 قاطعه وکلیه دن خالی اولدیغی ، توکسر
 کوپکلرک دیشلرینک ناقص بولندیغی ،
 قیصه غاغالی کوکر جینلرک آیقلرینک کوچک
 اولوب بالعکس اوزون غاغالی کوکر جینلرک
 آیقلرینک عموماً بیوک اولدیغی افاده
 واقع مزه دلیل اوله بیلور ، ظن ایدرز .
 بوندن بشقه ، حیواناتک الوان جلایه لرینک
 کندیلرینک بعض امراضدن مصون
 یاخود بعض مواد مضره نك تأثیرات
 مهلهکه سندن محفوظ قالمیرینه مدخلیتی
 اولدیغی کورلمشدر .

علمادن بری دیورکه : « قیونلر ایله
 بیاض جانورلره مضر اولان نباتاتک
 قویو رنگلی حیوانلرک تغذیسنه واسطه
 اولدیغی مکرراً مشاهده ایدلمشدر . » بو
 نسبت بعض حیوانلرده ده غریب بر صورتده
 غودار اولور که ذکر ایتک ایستدیکمز
 خاصه ده او قیلندر . طبعیونندن (دارون
 Darwin) ک تحقیقاتنه نظر آ « مانی کوزلو
 و بیاض رنگلی کدیلر عمر میتله صاغر
 اولورلر ایش . » فقط ، بعضیلر بو حالک
 یالکز ارکک کدیلره مختص اولدیغی ده
 سویلشلردر .

بو بابده فکر عاجزانه مزک نه مرکرده
 اولدیغی ییلنک ایستدورسه ، بو خاصه غریبه
 دفته اوصاف مبسوطه یی حائر اولان
 کدیلرده مشاهده ایتدیکمزی وقارئین کرامک
 اوافق بر تجربه ایله مدعامنک صحت کسب
 وقوف ایدم بیلر چکلرینی (دارون) ک افاده سی
 تصدیقاً بیان ایدرز .



سؤال — جویر آغاجی آلتنده باتمک
 صخته مضر اولدیغی سویلنیور . بودوغریمیدر ؟
 دوغری ایسه نیچون مضردر ؟
 — جویر آغاجی پک بیوک بر ارتفاعه
 واصل اولور وطوپراغه قریب بر مسافده
 دال و بوداق صالیورر . پارلاق ، کنیش
 وصیق پاپراقلریله اطرافه قالین برکولکه
 نشر ایدر . ایام صیفده بر مدت کونشک
 اشعه جانسوزینه معروض اولوبده بر قاج
 دقیقه استراحت ایچون کندیلرینه سرین
 بر نشینکاه یاخود لطیف بر سایه آرایان
 کسدر ، جویر آغاجلری آلتنده یاتمامغه
 یالکز شو سبی کافی عد ایتسلر سزادر .
 بوندن حاصل اولان برودت شدید صحت
 نقطه نظرندن بر طاقم نتایج وخیمه نك ظهورینه
 میدان ویره بیلور .